

南安府志

地 250.201

132

1-8

南安府志序



畿省郡邑之有志猶國之有史
也史以紀興衰治亂志以載人
物版章其名不同而義則一所
貴乎詳而不遺直而不阿彬彬

南安府志

郎序

一

乎文有其質而後可以行之天
下垂之後世以示典則焉然自
古迄今帝王御宇於史設有專
官俾加討究罔敢缺畧而獨是
郡縣之志地方長吏視爲無關

重輕置而不講而其地又乏掌
故之士爲之條紀而目載焉遂
使采風者興寡陋之譏而攷古
者有無徵之嘆豈不爲君子之
羞哉我

皇上文教誕敷暨於溥海內外往
者康熙二十二年癸亥

詔命纂修一統通志時江西有司
旣据撫哀輯薈爲一書剗勵進
呈矣而南安郡之志自丙辰兵

焚蕩燬無遺三十年以來抱殘
守缺竟無過而問焉者余來撫
豫章拳拳以之爲念去年春郡
守陳君蒞任慨其書之將墜引
爲已責亟謀脩舉廼未幾而遽

以病亾署篆者爲郡佐遲君慨
然能繼陳之志訪求殘本采輯
舊聞疑者闕之失者補之諮之
人而裁之已不數月而告成請
正於余且乞一言序其端余嘉

其意之有在而披覽之見夫畱
連於古昔變遷之理時代損益
之宜探其源流而不使有附會
詳其真實而不使有雷同與夫
山川之形勢人物之汗隆莫不

條分縷晰瞭若指掌嗚呼此書
成庶幾不負此郡矣夫南安據
西江上游與贛郡相表裏挈閩
廣而左右之實爲江省之要區
記余於昔年以公期赴粵道經

其地眺梅關而俯章水扶輿清
淑之氣薈萃於此余因之低徊
而不能去今觀此書猶恍然在
睂睫間也余由是而益嘉陳遲
二君之志焉

康熙四十九年歲次庚寅孟秋

穀旦

巡撫江西等處地方兼理軍務
都察院右副都御史加四級
廣寧郎廷極撰

皇朝經世文編

卷之六

南安府志

郎序

六

南安府志序

國朝文教聿隆典冊大脩上而金匱石室之藏下及山經海志之細罔不收羅修葺流傳不朽其在郡志尤所以編季紀實與國史相表裏者也顧可缺哉南安亦古名郡

南安府志

序

舊志稱三國吳嘉禾間始置爲縣至故明洪武初由路改府隸江右郡之有志肇自前代由來已久中以兵燹之餘蕩然無復有存今署篆司馬遲君慨然續修之而以序屬余余惟南安屬在南荒地褊而

瘠然綰吳楚閩嶠邊徼之衝凡檄使之宣布貢篚之獻納莫不取道于此蓋亦往來一大都會也其俗雖無輕浮靡麗之習而崇信巫鬼性好躑爭前代張東海先生輩明導而潛禁之其風稍息

皇清受命統一區宇禮教之興東漸西被官斯土者復能勤宣德意倡率勿倦六十餘年以來宜其成樂土矣今覽郡志所載見夫山之高水之秀城隍之峻溪學校署舍之巨麗以及廛市之鱗比道梵仙釋

之宮之幽勝高節烈行騷人逸士
之接踵不絕加之年穀屢登戶口
繁殖其君子敦詩書重信義其細
民勤生力田以致蓋藏駸駸乎有
古先王之遺風嗚呼何其盛歟夫
豐寧豫大之象非下能自致也向
非

聖天子御極平章務與海內休養以
無事而復湛恩汪濊使皆得泳沫
霑漑何以物靡不得其所若此今
郡志之成適際其盛洵可垂永久
而揚弘庥矣按周禮外史氏掌四

方之志上之天子蓋欲周知列國
都鄙州邑之盛衰官司政事之得
失與夫人民所樂苦非徒以誇文
詞脩披覽已也己丑歲余奉

命衡文江右庚寅按虔州熟聞南安
土風人物視昔加隆將覘一郡而

南安府志

序

四

通省可知覘一省而天下可知然
則郡邑雖小正於斯志有取云爾
是爲序

皆

康熙四十九年歲次庚寅仲秋穀
旦督學使者毘陵董佩笈撰



南安府志

序

五

南安府志序

南安踞章水上游扼制交
廣控帶湖湘星輶命使之
宣布山海梯航之獻納皆道
由於茲郡凡其田疇肥瘠民

南安府志

傳序

一

物盛衰風俗隆污何一非當
心政治之所當稽攷者乎我

皇上御極以來仁風惠澤翔洽
區宇邇隆之治超越唐虞
日月所照霜露所墜靡不

沐浴汪濊歌琴太平則今日
之南安非猶夫昔日之南安也
余承乏江右由臬而藩五載
於茲矣披閱各府志乘莫不
炳々烺々焉惟南安郡志以甲

寅兵燹後梨棗散軼簡篇
殘闕則徵文考獻補輯遺亡
未嘗不大有望於賢二千石
也已丑冬月司馬遲君攝行
郡事越明年政通人和慨

然以纂脩為已任於是網羅
舊聞搜求放失厯夏徂秋
屬草告竣爰請叙於余
於自公之暇展而閱之其志天
文志興地也則惟仰觀俯察之

是詳其志建置志賦役也
則以教化休養為急務其志
職官志選舉也則流連於
往昔之芳徽侈述於人才之
蔚起其志祠祀志官績也則

表章元德顯功而有高山仰
止之思緬想流風餘韻而有
蔽芾甘棠之慕貫志人物
志名勝志事攷志藝文也
則輟於發潛德之幽光紀

前賢之遊覽而灾祥休咎
人事天時以及理學微言
篇章佳什靡不犁然具采
志之能事畢矣覽斯編
也余有以知遲君之克脩

厥職上佐

聖天子卸隆之治樹勲名於不朽於斯見之矣於是乎書

皆

康熙四十九年歲次庚寅

南安府志

傳序

五

七月之吉

江西等處承宣布政使司

布政使加四級廣寧傳澤淵

撰

